

**Bosna i Hercegovina
Federacija Bosne i Hercegovine
Tuzlanski kanton
JU Služba za zapošljavanje TK
Tuzla**

Broj:01-14-38/16-3

Datum, 19.07.2016. godine

Na osnovu člana 25., člana 64. stav 1. tačka b), člana 70. stav 1., 3., i 6. Zakona o javnim nabavkama Bosne i Hercegovine („Službeni glasnik BiH“, broj: 39/14), člana 25. Statuta JU Služba za zapošljavanje Tuzlanskog kantona i preporuke Komisije za javne nabavke utvrđene u Zapisniku broj: 01-14-38/16-2 od 18.07.2016. godine, u postupku javne nabavke radova na adaptaciji i/ili rekonstrukciji općinskog Biroa Banovići, donosim:

O D L U K U

**o izboru najpovoljnijeg ponuđača u otvorenom postupku
javne nabavke radova na adaptaciji i/ili rekonstrukciji općinskog Biroa Banovići
I**

Prihvata se preporuka Komisije za javne nabavke i Ugovor u postupku javne nabavke radova na adaptaciji i/ili rekostrukciji općinskog Biroa Banovići dodjeljuju se ponuđaču „AsiltIng“ doo Gradačac, sa ponuđenom cijenom u iznosu od 102.376,39 KM bez PDV-a, kao najbolje ocijenjenom ponuđaču.

II

Po pravosnažnosti ove Odluke, Ugovorni organ će zaključiti ugovor o javnoj nabavci radova navedenih u tački I ove Odluke, kojim će regulisati međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i propisima koji regulišu postupak ugovaranja.

III

Ova Odluka objavit će se na web stranici JU Služba za zapošljavanje Tuzlanskog kantona – www.szztk.ba, istovremeno s upućivanjem ponuđačima koji su učestvovali u postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka, broj: 01-14-38/16 od 12.04.2016. godine, u kojoj je predviđeno da je procijenjena vrijednost javne nabavke radova na adaptaciji i/ili rekostrukciji općinskog biroa Banovići 102.564,00 KM bez PDV-a. Obavještenje o nabavci broj: 647-1-3-27-3-8/16 objavljeno je na Portalu javnih nabavki 01.06.2016. godine.

Postupak predmetne javne nabavke proveden je putem otvorenog postupka, broj: 01-14-38/16-1 od 01.06.2016. godine.

Komisija za javne nabavke, dostavila je odgovornom licu ugovornog organa Zapisnik o otvaranju ponuda i Zapisnik o pregledu i ocjeni ponuda sa preporukom o izboru najpovoljnijeg ponuđača u postupku predmetne javne nabavke.

U postupku po izvještaju o radu, utvrđeno je da je Komisija za javne nabavke blagovremeno i pravilno izvršila otvaranje ponuda, o čemu je sačinila odgovarajući zapisnik, u kome je utvrđeno da je ukupan broj blagovremeno zaprimljenih ponuda pet i to:

1. „Džena“ doo Gradačac;
2. „GPP Banovići“ doo Banovići;
3. „AsiltIng“ doo Gradačac;
4. „Tom-Cat“ doo Tuzla;
5. „Tehnograd“ doo Tuzla.

U postupku donošenja ove odluke, posebno su cijenjene činjenice da je Komisija, pravilno i potpuno, ocijenila kvalificiranost ponuđača te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, direktor Službe nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju nesporno je da je od kvalifikovanih ponuđača, najbolje ocijenjen ponuđač „AsiltIng“ doo Gradačac, zbog kriterija najniže cijene kako slijedi:

1. „AsiltIng“ doo Gradačac	102.376,39 KM bez PDV-a
2. „Džena“ doo Gradačac	119.797,69 KM bez PDV-a
3. „Tehnograd“ doo Tuzla	123.933,75 KM bez PDV-a

Izbor najpovoljnijeg ponuđača izvršen je temeljem kriterijuma najniže cijene, koja je ponuđena u iznosu od 102.376,39 KM bez PDV-a, dok su ostali ponuđači čije ponude su prihvatljive ponudili cijene kao što je naprijed navedeno.

Iz navedenog razloga, primjenom člana 64. stav 1), tačka b) Zakona o javnim nabavkama Bosne i Hercegovine, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi BiH, putem Ugovornog organa, najkasnije u roku od 10 (deset) dana od dana prijema ove odluke. Žalba se podnosi u dovoljnom broju primjeraka, a koji ne može biti manji od tri. Naknada za žalbu je propisana članom 108. Zakona o javnim nabavkama Bosne i Hercegovine.

Pripremila:

mr.iur. Ahmetović Berisa, bachelor prava

Stručni saradnik za javne nabavke

DIREKTOR

Senad Muhamedbegović, dipl.pravnik

Dostaviti:

1. Ponuđačima

2. a/a

Prilog:

Zapisnik o pregledu i ocjeni